

古蹟考
營建考
著述考

新絳縣志

卷八

古蹟考

人生千百年後欲溯千百年前代遠年湮鮮不謂古今不相及不知居今亦可稽古而考古莫如證今縱途迷王澤天使莫逢仙訪姑山神人已杳而龍谷有養龍之池羊舌有埋羊之地古蹟猶存未必無什之一二使非詢諸絳縣之老何從列爲黃圖之徵莊子不云乎舊國舊都望之暢然雖使邱陵草木之繇入之十九猶之其爲暢然也況見見聞聞者也此物此志也考古蹟

養龍池遁甲開山圖云絳州有陽石山神龍池黃帝時遣雲陽先生養龍於此國有旱即祀池請雨

藐姑射亦稱壺口在縣西北四十里莊子藐姑射之山有神人居

焉肌膚若冰雪綽約若處子不食五穀吸風飲露乘雲氣御飛龍而遊乎四海之外堯見之眇然喪其天下焉

通志

荀城晉公族荀氏邑在縣城西十五里

詳沿革

九原在縣北二十里隸縣境東西九里山西南平原突起土阜九區上有百神廟山產芫花檀弓趙文子與叔譽觀於九原即此馬首山土人名馬頭山在縣西北四十里史記趙盾田於首山即此

哺飢坡在城北五里趙盾哺翳桑餓夫處傍有靈輒廟明永樂間修

韓獻子故里在城內省元坊

趙文子故里在城北三十里蘇村

羊舌氏埋羊里在西關 羊舌子好直不容於晉去而之三室之邑邑人懷羊而遺之不受其妻曰不如受而埋之羊舌子曰何不餉胙與鮪其妻曰不可南方有鳥曰吉乾食其子不擇肉子多不義今胙與鮪童子也隨大人而化不可食以非義乃盛以甕埋壚陰後懷羊事敗吏至發而視之舌尙存吏曰君子哉羊舌子不與懷羊矣里人陶虛泉有碑記

龍谷泉在縣東北十八里龍香村左傳龍見於絳郊即此

王澤在縣西七里 史記智伯瑤攻趙襄子襄子奔保晉陽原過後至遇三人於王澤自帶以下不可見持竹二節與原過曰爲

我遣趙無恤過以襄子剖竹有朱書曰余霍太山山陽侯天使也三月丙戌余使汝反滅智氏汝亦立我百邑余將賜汝林胡之地後果滅智氏遂祠焉

臨汾故城在縣東北二十五里獻公九年夏士蔦城絳即此漢爲臨汾縣址存通志平陽志云東北二里未是按縣舊志晉城二一在縣城東北二十五里漢臨汾址今在汾城縣界內一在縣城東南五十里即晉所遷之新田今在曲沃縣界內則臨汾故城舊絳蹟非今絳蹟也

壇上在澮河南俗傳祭齊姜處

靈公臺在縣城西北三十里長秋鎮左傳晉靈公不君從臺上彈

人觀其辟丸即此地

虎祁宮晉平公所構寰宇記在縣南六里元和志南有澮水北有汾水俱西流至宮西而合隋末依宮餘址築堡名修義堡今爲東昇村

長修故城即長秋鎮今名泉掌鎮郡國縣道記云在縣西北三十里長修故城是也漢帝十一年封杜恬爲侯國後漢省又北齊圍周宜陽韋孝寬謂將帥曰宜陽一城之地未能損益然兩國爭之勞師數載彼若棄峭東來圖汾地我之疆界必見侵擾今宜於長秋速築城以杜賊患是歲齊人果解宜陽

柏壁城在縣西南二十里秦王堡在焉後魏明元帝置柏壁鎮至

太武帝廢鎮置東雍州北齊斛律光曾屯兵於此

正平城即柏壁鎮

詳沿革

又土人相傳在符村清初碑記有正平遺

址之語又南門有古正平石碑

秦王堡亦在柏壁鎮劉武周將宋金剛進逼絳州復陷龍門關中

大震秦王引兵自龍門渡河屯柏壁

武平關在縣西三十里

詳沿革

雀關在城西

見沿革

文中子讀書處在橋溝頭北清濂洞

又縣西北四十里北董村

內重陽觀有讀書堂王適曾隱於此

見省志輯略

辛全詩四地都爭

爲故里不知何處果爲真按隋州守陳叔達乃文中子門人則

絳有讀書處宜也

將臺在西橫橋灘薛仁貴投軍立址微存

絳守居園池在縣治北隋開皇十六年內軍將軍臨汾縣令梁軌導鼓堆泉開渠灌田又引餘波貫牙城蓄爲池沼中建洄漣亭旁植竹木花柳唐長慶中刺史樊宗師有記後漸廢弛清光緒二十五年州牧李壽芝重事興築園池臺榭依然復古

洄漣亭在州治內創自隋梁軌唐樊宗師有記元至治中劉名安重構明正德中知州韓轍重修

會仙樓在西關后土廟前晉天福間建明嘉靖四十年重修
曲水亭在縣治內瑯琊王漢雷孝先有詩

嵩巫亭在守居園池內宋富鄭公弼建有詩

菑菑亭在縣治內宋元符間池生並蒂蓮時淄川周侯自尙書刑部郎中守絳錄事參軍張爲有記

觀德堂在縣治內宋富鄭公弼增而廣之大觀二年重葺正平簿孟公濟有記

思堂在治東宋朝散大夫絳州軍事兼管內勸農事時恪建舊志閩郡徐常記通志張繹作記

潛心堂在縣治內宋宣和三年朝請郎權州軍事李皓有記慶安亭在縣治內金大定二年郡人孫鎮有記

南園 無邪堂 快軒金正隆二年觀察韓子端有記

花萼堂在縣治內

集古堂元至正初絳帖碑石多散失州守李公求之復其什之八九序列於集古堂

臨清亭在察院內景泰元年知州劉詵鑿池引鼓堆泉水歷有題咏

啓光樓西瀛洞在縣城塔東嘉靖九年建

靜觀樓在縣治後園正德十六年知州李文潔建有記

星漢樓在鼓堆原名神泓閣嘉靖三十四年知州許用中更今名眞樂窩明辛復元讀書地

冰窖北窖莊西有冰窖溝溝北土洞二其色青其質堅臘月積冰

其中封固留一孔可容一人出入以便取冰其冰經夏不化今廢

一閒軒陶參議銓養逸處

白雲莊韓司空重養逸處

菊莊陶恭介琰養逸處

天地窟在九原山深壑中文養蒙隱居處

坊表

儒林坊在大街東

旌孝坊爲靈邱王仕塲並子成鈺孫聰涌立在三義廟前

五世進士坊爲陶銓陶璽陶琰陶滋陶登立在舊貢院前

大司空坊爲尙書韓重立在舊貢院東

大司徒坊爲尙書陶琰立在舊貢院西

大中承坊爲侍郎孫光祜立於北門內

世沐天恩坊爲知府張興行立於南窩莊

解元坊爲陶琰立於儒林坊東

進士坊爲進士閻調鼎立於大街坊門南

聯捷坊爲武進士張不猷立於三林鎮北門內

總建節孝坊在城內東槐道同治四年建

大駟伯坊爲苑馬寺少卿王斌立於宋溫村北門內

聯桂坊爲舉人王榮立於宋溫村

聯捷坊爲進士吳道煥立在宋溫村大街

亞元坊爲武舉梁魏茂立在台上

壇壝

先農壇在縣城東北大殿三間東西房各一間門樓一座四面圍

牆雍正五年奉文建立壇基三分籍地四畝九分

實地六畝四分六釐每

年祭祀用銀三兩零五分開銷麥穀各七斗二升五合每年所

收麥穀五年糶售一次有餘解司不足在司請領民國廢祀壇

址無存

社稷壇在西北寨裡莊西敬謹修理列入交盤項內今廢

風雲雷雨山川城隍壇在縣城南門外西南敬謹修理繚以周垣

同壇設三神位 風雲雷雨居中 山川居左 城隍居右

厲壇在北窰頭莊每歲清明日七月望日十月朔日祭迎城隍主

之

又二十五里
俱有厲壇今廢

祠廟

城隍廟在縣治東明洪武年間建歷年修葺郡人尙書韓重有記

樂樓民國三年重修

關聖廟一在城東元時建清光緒間重修郡人梁永春有記民國

初祀關岳一在孝義坊大街西一在南門外西偏一在三林橋

東清時御書義炳乾坤匾額敬懸正殿勅封三代爲公爵

光緒昭

忠公成

後殿設供

文昌祠在城正平坊朝殿廟前清康熙二十四年創建

文昌閣在城東南角上明萬歷二十二年知州王大棟建

風雲雷雨廟在城東周莊西清道光十五年創建

聖母廟在南關清時屢加修葺廟有碑記

八蜡廟在南關清道光十七年重建是歲六月蝗入境有飛而不

集集而不食之異

劉猛將軍祠在八蜡廟東側清同治元年創建

三君廟在南關清時屢次重修

呂祖祠在城孝義坊清順治十五年施主楊宏業創建

河神廟在西關清同治十二年建御書神功式遏區額懸正殿

馬王廟在縣治前民國四年重修

土地廟在縣治儀門東一在正平坊大街西明宏治五年靈邱王
創建一在馬首山麓通峪口

龍王廟在城隍廟坡下即舊布政分司故址

三皇廟在城桂林坊清康熙丙辰年二月重修

真武廟一在舊貢院西一在城西北一在馬村

玉皇廟一在城內明隆慶六年建清康熙二十七年重修一在北

關明嘉靖初建萬歷二十三年重修清乾隆十九年重修一在

馬村

華池龍王廟在羊角山又馬首山有龍王祠皆禱雨輒應

孚惠聖母祠在鼓堆一在三林一在古交鋪東號新廟元至正初建

坤柔廟在城桂林坊明永樂三十六年建萬歷四十四年修清康熙五十一年重修

開周聖母廟在北侯村南堡上明嘉靖六年建清咸豐元年重修地廣十餘畝有古井不竭四圍溝深數丈澗水繞其西同治六年捻匪入境避難於其上者甚衆

東嶽廟在城東南隅元郭晉有記正平間賜額天聖萬壽宮明成化十九年重建規模宏敞郡人周尙赤有記萬歷三十五年重修又於二門外東西創屋二十間以館生徒義舉也後廢嘉靖